

The Electronic Manipulus florum

www.manipulusflorum.com

Relinquere ai cum fonte primo

Pudet dicere ita plerosque abrenunciasse conspicimus ut nichil amplius immutasse de interioribus uiciis ac moribus comprobentur nisi ordinem tantum atque habitum secularem. Nam et acquirere pecunias quas nec ante possederunt

quod famulos suos exinde uel fratres alere se debere iustum esse contendunt,

quibus profecto non proderit maiores opes ac substancias contempsisse qui affectus earum ad quos ille contempnende sunt, in res paruas atque exigua transtulerunt. Nam uicum cupiditatis atque auaricie quod erga species preciosas exercere non possunt circa uiliores materias retinentes non abscidisse, sed commutasse se probant pristinam possessionem. Nam nimia deuicti diligencia erga psalterii amorem, sportelle, saccelli, codicis aliarum rerum similium quamuis uilissimarum, eadem tamen qua ante libidine detinent,

et ab aliis contrectatione defendunt que uniuersis fratribus debent esse communia.

Idem.

Denique, quod pudet dicere, ita plerosque abrenuntiasse conspicimus, ut nihil amplius inmutasse de anterioribus uitiis ac moribus comprobentur nisi ordinem tantummodo atque habitum saecularem, nam et adquirere pecunias gestiunt quas nec ante possederunt, uel certe quas habuerant retinere non desinunt aut, quod est lugubrious, etiam amplificare desiderant sub hoc praetextu, quod uel famulos suos exinde semper uel fratres alere se debere iustum esse contendant, uel certe sub obtentu congregandi coetus reseruant, quem uelut abbates institutere se posse praesumunt.

Iohannes Cassianus, *Conlationes XXIII.*, 4, 20, 1 (CSEL 13, M. Petschenig ed., p.115, ll.10-19).

quibus profecto non magne proderit maiores opes ac substantias contempsisse, quia affectus earum, ob quos illae contemnenda sunt, in res paruas atque exigua transtulerunt. nam uitium cupiditatis et auaritiae, quod erga species pretiosas exercere non possunt, circa uiliores materias retinentes non abscidisse, sed commutasse se probant pristinam passionem. nam nimia deuincti diligentia erga curam psiathii, sportellae, sagelli, codicis aliarumque similium rerum quamuis uilissimarum eadem tamen qua antea libidine detinentur. quae etiam tanta aemulatione custodiunt atque defendunt, ut pro ipsis aduersus fratrem commoueri eos et quod est turpius etiam litigare non pudeat. in quibus adhuc aegritudine cupiditatis pristinae laborantes haec eadem, quae usus corporis possidere monachum uel necessitas cogit, secundum numerum mensuramque communem non sunt habere contenti, in hoc quoque sui cordis auaritiam designantes, cum uel ea quibus uti necesse est propensius student habere quam ceteri, uel excedentes diligentiae modum peculiarius ea adtentiusque custodiunt et ab aliorum contrectatione defendunt, quae uniuersis fratribus debent esse communia.

Iohannes Cassianus, *Conlationes XXIII.*, 4, 21, 1-3 (CSEL 13, M. Petschenig ed., p.117, ll.8-27).